

# *Magie im Lötschental*

*„Eifach hocke, luege u gniesse  
u die Yschzapfe lah spriesse“*

*von  
Lars Deutschländer*

Verlag  
**Marmot-Production**  
Bern



**Alle Rechte vorbehalten**

© Lars Deutschländer, Monbijoustrasse 82, 3007 Bern

**Verlagslabel:** Marmot-Production, Bern

www.marmot-production.ch

**Autor:** Lars Deutschländer, 3007 Bern, kinderbuch@schlunggi.ch

**Auflage:** 1. Auflage 2023

**ISBN Hardcover:** 978-3-347-91542-8

**Druck und Distribution im Auftrag des Autors:**

tredition GmbH, An der Strusbek 10, 22926 Ahrensburg, Germany

Das Werk, einschließlich seiner Teile, ist urheberrechtlich geschützt. Für die Inhalte ist der Autor verantwortlich. Jede Verwertung ist ohne seine Zustimmung unzulässig. Die Publikation und Verbreitung erfolgen im Auftrag des Autors, zu erreichen unter: tredition GmbH, Abteilung „Impressumservice“, An der Strusbek 10, 22926 Ahrensburg, Deutschland.

*Weitere Publikationen des Autors:*

*Schlunggi auf Entdeckungsreise, 2010, ISBN 978-3-907663-25-7, rubmedia*

*Klitsch und Klatsch, 2023, ISBN 978-3-033-09889-3, Marmot-Production*



**tredition**

## *Vorwort oder wi aues aagfange het ...*

*Aagfange het's scho i ganz junge Jahr  
Wo ig ha gha no ke graus Haar  
Daa bin ig no gsy am huse  
Am schöne Rhyfau bi Neuhuse  
Meischt sys numme chlyni Wortspiu gsy  
Für e chly geischtige Sunneschy*

*Ig huse jitz scho lang u gärn  
I däm wunderschöne Bärn  
Während Covid isch es Dichte so richtig äärnscht de worde  
U dr Lock-Down het üs genau desswäge, d Luun nid verdorbe*

*Mir sy ou no deheim im Tal vo der Magie  
U nei, es het dert ke ewige Sunneschy  
Aber zum Dichte u Föttele tuet es Tal scho animiere  
U so han ig aagfange Papier mit Gedicht vollz'schmiere*

*Ou wenn ig us der Oschtschwiiz chume  
U mys Bärndütsch nid perfekt isch i der Summe  
So tue ig's wage doch  
Mi z'betätige aus e Bärndütsch-Wörter-Choch  
Öppedie muess ig e chly bschummle mit de Worte  
Damit's sich ou rymt i däre Gedichte-Torte  
So tüet mir doch bitte vergä  
We mir e Fädilätsch isch gschää*

*U jitz tuet woou gälte:  
Abtouche i die Gedicht- u Biuder-Wälte  
Eifach hocke, luege, läse u tröime vo dere Magie  
U e chly gmüetlich uf em Sofa sy*

## *Wald-Tschäggätte Wysheit*

*„Viiu Lüt chöme u viiu Lüt göh – Tag us – Tag iin  
Si aui wei d Magie im Lötschetal cho gugge bi Sunneschyn  
Wer aber d Magie ERLÄBE will  
Häbt sich mehreri Tage im Tal ou still!“*



## *Hocke, luege u gniesse*

*Dr Vätterli Froscht*

*Produziert für ds Oug e wunderbari Choscht*

*D Schönheit isch oft ganz chly*

*U me muess si betrachte im Sunneschy*

*Daa loufft d Ysch-Prinzessin uf zu voller Form*

*U es Liechterspiu isch absolut enorm*

*Eifach hocke, luege u gniesse*

*U die Yschzapfe lah spriesse*



## *Es Läbe*

*Fee'e-Hüet u e chly Schnee  
Hei mir hüt im Tal ou gseh  
Winterzouber voll u ganz  
Verleiht der Magie no meh Glanz  
Gniesse söu me jede Moment  
Denn me weiss nie, wo ds Läbe anerennt  
Morn cha aues andersch sy  
U dr schöne Zouber isch verby*





## *Es Lache u dr Yschdrache*

*Dr Yschdrache, dä Wiudfang  
Är het zum Schrägsy so sy Drang  
Am Tag schmilzt sys Wärc h derhii  
Denn es isch ihm z'warm im Sunneschy  
Ir Dämmerig, am Aafang vo der Nacht  
Das isch d Zyt, wo dr Yschdrache so richtig erwacht  
Denn toue u gfriere, beides brucht är  
Susch wird ds Wachse für ihn sehr schwär  
I synere yschige Republik  
Dert gäute ke Gsetz vo der Physik  
Mit wiude Forme u schräge Sache  
Bringt är d Lüt vor Fröid zum Lache*

